


Alkitab Sagan Kakanakan

Mengenal akan



Elisa,
Manusia
Mijizat



Panulis: Edward Hughes

Nang manggambar: Lazarus
Alastair Paterson

Nang manyusun: Ruth Klassen

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Di wadah ngintu kada mayu lambu jantan hagan mambajak. Diparluakan saikur lagi. Tapi ngintu kada mahantiakan saurang patani anum nang bangaran Elisa!

Lawan nyaman inya mamasangkan diri lawan lambu jantan, hagan mangisi wadah nang puang. Inya

pasti urang nang kuat,


saurang pakarja karas nang pandai.



Pas Elisa rahat mambajak,
nabi Tuhan Elia datang lawan
mangiau inya. Urang anum
ngini tulak maninggalakan
pahumaannya hagan manjadi
palayan Tuhan. Suatu hari,
Tuhan mangiau Elisa ka
surge dalam angina puyuh.

Damini Elisa
manjadi nabi
Tuhan hagan
Israel.



A colorful illustration depicting a scene from the Bible. On the left, a person wearing a red robe is shown from the side, holding a yellow cloth over a waterfall. The waterfall flows into a blue stream. The background features a large green tree on the left and green grass in the foreground. The sky is a solid blue color.

Elisa sadih ulih Elia maninggal, inya badua ka Tuhan hagan mambariakan ka inya kuasa kaya ampun Elia. Elisa maambil jubah Elia lawan mamukulnya ka banyu nang mangalir kaya nang dilakuakan Elia.

Banyu sungai tabalah! Damini Elisa tahu pada Tuhan basarta lawan inya.





Pas Elisa tulak ka sabuting kuta bangaran Babel, sapalih kanakan mahuluti inya, basaru, "Naiklah butak, naiklah butak!" buhannya kada paduli pada Elisa adalah palayan Tuhan. Sasuatu nang mangajuti tarjadi ka buhannya. Dua baruang batina kaluar matan hutan lawan mancabik-cabik ampat puluh dua anak.




Pas hari Elisa batamu saurang janda nang baisi hutang lawan inya kada mambayar hutannya ngintu.




Supaya duitnya babulik, panagih hutang datang hagan maambil kadua anak janda ngintu lawan manjadiakan buhannya budak "Tulaklah mintalah bejana-bejana di luar matan tetangga ikam ... bejana-bejana kusung," Elisa baucap. Tuhan malakuakan sasuatu nang luar biasa hagan binian ngintu.



Janda ngintu baisy sabuah buli-buli halus wara nang baisy minyak di rumahnya. Tapi matan buli-buli halus ngintu innya bisa manuang minyak nang mayu hagan maisi sabarataan bejana ngintu! Amun buhannya baisy bak mandi pas rahat ngintu, bisakah ikam manduga apakah Tuhan pacangan maisi bak mandi ngintu jua? Janda ngintu manjual minyaknya lawan manyalamati anak-anaknya.



Binian nang lain lawan lakinya
maulah sabuah kamar khusus di
rumah buhannya. Elisa kawa
badiam di sana pas inya
datang. Di dalam
kamar ngintu
buhannya
maandak
sabuah wadah
paguringan,
sabuah mija, sabuah
kursi, lawan sabuah
kandil. Kamar ngintu
tasadia tarus hagan Elisa.



Elisa handak tahu kayapa inya kawa mambalas kabaikan pasangan ngintu. Pas inya manyadari pada buhannya kada baisi anak, inya baucap suatu hal nang ngalih hagan diparcayai ulih binian ngintu.


"Pas rahat ngintu jua, tahun kaina, ikam pacangan mangilik saurang anak lakian."

Tajadilah, satahun imbah ngintu, bayi ngintu lahir.



Babarapa tahun imbah ngintu, inya ada di pahumaan lawan abahnya. "Aduh kapalaku, kapalaku," anak ngintu manjarit. Pas inya mambawa anak lakian ngintu ka umanya, inya duduk di pangkuan umanya sampai tengah hari, lalu inya mati. Umanya mambaringakan inya di wadah paguringan di kamar Elisa.

Ikam
pikir
siapa
nang
kawa
manulung
binian
ngini?



Apakah ikam pacangan maucapakan Elisa? Bujur banar! Inya mamakai saikung keledai hagan tulak manamui inya. Elisa datang ka rumah binian ngintu, naik ka atas saurangan sambil badua ka Tuhan. Tuhan mahidupakan kanakan ngintu baasa. Elisa mangiau binian



ngintu lawan baucap, "Angkatlah anak ikam ngini" Arai banar binian ngintu!






Di parak tanah Syria
tinggallah saurang
kumandan pasukan nang
bangaran Naaman. Inya
saurang nang wani lawan
kuat banar, tapi inya
mandarita panyakit nang
mangariakan ngarannya
kusta.



Bini Naaman baisi palayan saikung gadis halus nang dibawa sabagai tawanan matan Israel. Gadis halus ngintu baucap, "Sakiranya tuanku manghadap nabi nang di Samaria ngintu, maka tantulah nabi ngintu pacangan manyambuhkan inya matan panyakitnya."




Naaman manyiapi waktu hagan manamui nabi ngintu.
Inya mambawa pirak, amas, lawan pakaian-pakaian
nang indah hagan parsambahan.



Palayan Elisa kaluar lawan baucap, "Tulaklah mandi tujuh kali dalam sungai Yordan maka awak ikam pacangan pulih baasa, maka ikampacangan manjadi tahir." Naaman manjadi sarik. Kadakah inya kawa mandi di sungai nang barasih, lawan sigar di nagarinya saurang, Syria? Lawan srik, inya bapaling tulak lawan panas hati.






Untung
hagan
Naaman

palayannya baucap
lawaninya hagan manaati
parintah Elisa. Jadi
Naaman turun ka sungai
lawan barandam
tujuh kali ka sungai
Yordan. Lawan kusta
Naaman disambuhakan!
Imbah ngintu Naaman
mamuji Tuhan nang
bujur, Tuhannya Elisa,
Tuhan nang
manyambuhakan inya

matan sakit kusta.





Tuhan mamakai hambaNya, Elisa biar imbah inya mati. Suatu hari, saurang lakian nang dikuburakan di gua dimana Elisa dikuburakan di wadah ngintu batahun-tahun nang lalu. Pas awak urang mati ngini manjapai tulang Elisa, urang ngintu bangun lawan badiri di batisnya. Sungguh, Tuhan manunjukakan kuasaNya nang ganal hagan hambaNya nang baiman, Elisa.



Elisa, Manusia Mijizat

Sabuting kisah matan Firman Tuhan, Alkitab

Taulih dalam

2 Raja-raja 2-13

"Amun tabuka, firman-firmanPian mambari
pahaman." Mazmur 119:130



Tunting



Kisah Alkitab ni memadah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

